



Broj:01/18-02-1506-1/23
Sarajevo, 15.5.2023. godine

19-05-2023			
Broj	Priloga	Vrijednost	

**PREDSTAVNIČKOM DOMU
PARLAMENTA FEDERACIJE BiH**

Odbor za pravdu i opću upravu Predstavničkog doma Parlamenta Federacije BiH (u daljem tekstu: Odbor), **na 2 sjednici, održanoj u ponedjeljak 15.5.2023.godine**, razmatrao je i jednoglasno usvojio sljedeći:

DNEVNI RED

1. Usvajanje Zapisnika sa 1.sjednice Odbora,
2. Inicijativa za izmjenu i dopunu Krivičnog zakona FBiH, koju je pokrenuo Admir Čavalić, zastupnik u PD PFBiH,
3. Inicijativa, koju je podnio Sanel Kajan, zastupnik u PD PFBiH,
4. Inicijativa za izmjenu i dopunu Krivičnog zakona FBiH, koju je pokrenuo Sindikat radnika u zdravstvu Kantona Sarajevo,
5. Inicijativa za izmjenu Zakona o organizaciji uprave u FBiH, koju je pokrenuo gradonačelnik Grada Cazin,
6. Zahtjev za autentično tumačenje člana 125. Stav 5. Krivičnog zakona FBiH i člana 425. stav 3. Zakona o krivičnom postupku FBiH, koju je uputio Opštinski sud u Velikoj Kladuši,
7. Inicijativa za hitno postupanje izvršne i zakonodavne vlasti kako bi se implementirale Odluke Ustavnog suda FBiH i popunile pravne praznine koje stvaraju pravnu nesigurnost u pravnom životu FBiH, podnositelj Visoko sudsko i tužilačko vijeće BiH,
8. Zahtjev Ustavnog suda BiH U- 12/23 od 24.4.2023. godine,
9. Prijedlog Zaključka Odbora za pravdu i opću upravu povodom Rješenja o Imenovanju komisije za izbor i imenovanje u regulirana tijela Općine Jajce i njene usklađenosti sa Zakonom, predlagač Stipe Tokić, zastupnik u PD PFBiH,
10. Tekuća pitanja.

Sjednici Odbora prisustvovao je dovoljan broj članova Odbora, tako da su ispunjeni uslovi za punovažan rad u pogledu kvoruma i odlučivanja.

U skladu sa članom 44. stav 1. i 2. Poslovnika Predstavničkog doma Parlamenta Federacije BiH, Odbor za pravdu i opću upravu podnosi sljedeći:

IZVJEŠTAJ

Ad-1 Usvajanje Zapisnika sa 1. sjednice Odbora PD Parlamenta FBiH

Odbora za pravdu i opću upravu Predstavničkog doma Parlamenta FBiH jednoglasno je usvojio Zapisnik sa 1. sjednice Odbora.



Ad-2 Inicijativa za izmjenu i dopunu Krivičnog zakona FBiH, koju je pokrenuo Admir Čavalić, zastupnik u PD PFBiH

Odbor za pravdu i opću upravu PD PFBiH razmatrao je Inicijativu za izmjenu i dopunu Krivičnog zakona Federacije BiH, koju je pokrenuo Admir Čavalić, zastupnik u Predstavničkom domu Parlamenta FBiH i donio je sljedeći:

ZAKLJUČAK

Odbor podržava Inicijativu za izmjenu i dopunu Krivičnog zakona Federacije BiH, koju je pokrenuo Admir Čavalić, zastupnik u Predstavničkom domu Parlamenta FBiH, te traži od Vlade FBiH da dostavi mišljenje o istoj.

Ad-3 Inicijativa, koju je podnio Sanel Kajan, zastupnik u PD PFBiH

Odbor za pravdu i opću upravu PD PFBiH razmatrao je Inicijativu za donošenje Odluke o isticanju zastave BiH u horizontalnom i vertikalnom položaju ispred i unutar javnih ustanova kojima je osnivač Federacija BiH, koju je podnio Sanel Kajan, zastupnik u Predstavničkom domu Parlamenta FBiH i donio je sljedeći:

ZAKLJUČAK

Odbor podržava inicijativu koju je podnio Sanel Kajan, zastupnik u PD PFBiH i poziva sve javne ustanove kojima je osnivač Federacija BiH na poštivanje Zakona o zastavi Bosne i Hercegovine.

Ad-4 Inicijativa za izmjenu i dopunu Krivičnog zakona FBiH, koju je pokrenuo Sindikat radnika u zdravstvu Kantona Sarajevo

Odbor za pravdu i opću upravu PD PFBiH je razmatrao Inicijativu za izmjenu i dopunu Krivičnog zakona FBiH, koju je pokrenuo Sindikat radnika u zdravstvu Kantona Sarajevo i donio je sljedeći:

ZAKLJUČAK

Odbor je mišljenja da treba sačekati Mišljenje Vlade FBiH na Inicijativu, potom istu uvrstiti na dnevni red Odbora.

Ad-5 Inicijativa za izmjenu Zakona o organizaciji uprave u FBiH, koju je pokrenuo gradonačelnik Grada Cazin

Odbor za pravdu i opću upravu PD PFBiH razmatrao je Inicijativu za izmjenu Zakona o organizaciji uprave u FBiH, koju je pokrenuo gradonačelnik Grada Cazin i donio je sljedeći:

ZAKLJUČAK

Odbor ptihvata inicijativu za izmjenu Zakona o organizaciji uprave u FBiH, koju je pokrenuo gradonačelnik Grada Cazin i prosljeđuje istu u daljnju proceduru.



Ad-6 Zahtjev za autentično tumačenje člana 125. Stav 5. Krivičnog zakona FBiH i člana 425. stav 3. Zakona o krivičnom postupku FBiH, koju je uputio Opštinski sud u Velikoj Kladaši,

Odbor za pravdu i opću upravu PD PFBiH razmatrao je Zahtjev za autentično tumačenje člana 125. Stav 5. Krivičnog zakona FBiH i člana 425. stav 3. Zakona o krivičnom postupku FBiH, koju je uputio Opštinski sud u Velikoj Kladaši i donio je sljedeći:

ZAKLJUČAK

Odbor je mišljenja da nisu ispoštovane odredbe člana 209. Poslovnika Predstavničkog doma Parlamenta FBiH koje se odnose na formu podnošenja Inicijative za davanje autentičnog tumačenja.

Ad-7 Inicijativa za hitno postupanje izvršne i zakonodavne vlasti kako bi se implementirale Odluke Ustavnog suda FBiH i popunile pravne praznine koje stvaraju pravnu nesigurnost u pravnom životu FBiH, podnositelj Visoko sudsko i tužilačko vijeće BiH

Odbor za pravdu i opću upravu PD PFBiH razmatrao je Inicijativu za hitno postupanje izvršne i zakonodavne vlasti kako bi se implementirale Odluke Ustavnog suda FBiH i popunile pravne praznine koje stvaraju pravnu nesigurnost u pravnom životu FBiH, koju je podnijelo Visoko sudsko i tužilačko vijeće BiH i donio je sljedeći:

ZAKLJUČAK

Odbor predlaže Predstavničkom domu PFBiH da razmotri Inicijativu i od nadležnog ministarstva Vlade FBiH zahtjeva hitno postupanje po istoj.

Ad-8 Zahtjev Ustavnog suda BiH U- 12/23 od 24.4.2023. godine

Odbor za pravdu i opću upravu PD PFBiH razmatrao je Zahtjev Ustavnog suda BiH U-12/23 od 24.4.2023. godine i donio je sljedeći:

ZAKLJUČAK

Odbor je mišljenja da je norma jasna i predlaže Predstavničkom domu PFBiH da zaduži Vladu FBiH da osigura izvršenje po Odlukama Ustavnog suda BiH.

Ad-9 Prijedlog Zaključka Odbora za pravdu i opću upravu povodom Rješenja o Imenovanju komisije za izbor i imenovanje u regulirana tijela Općine Jajce i njene usklađenosti sa Zakonom, predlagač Stipe Tokić, zastupnik u PD PFBiH

Odbor za pravdu i opću upravu PD PFBiH razmatrao je Prijedlog Zaključka Odbora za pravdu i opću upravu povodom Rješenja o Imenovanju komisije za izbor i imenovanje u regulirana tijela Općine Jajce i njene usklađenosti sa Zakonom, predlagač Stipe Tokić, zastupnik u PD PFBiH. Odbor je jednoglasno podržao isti, te predlaže Predstavničkom domu PFBiH da se izjasni po navedenim zaključcima.



ZAKLJUČCI

1. Odbor poziva na zakonitost prilikom imenovanja Komisije za izbor i imenovanja u regularna tijela Općine Jajce (Rješenje broj:01-01-6-5946/21) i poziva sve nadležne institucije da provjere zakonitost rješenja o imenovanju, te sva konačna imenovanja koja su predložena od tog tijela.
2. Odbor zaključuje, da je potrebno preispitati odgovornost pojedinaca koji imaju nadležnost za ovo pitanje.
3. Odbor zaključuje da, ukoliko se utvrdi nezakonitost, institucije i nadležni organi učine sve što je potrebno da komisiju za izbor i imenovanje u regularna tijela stave u zakonske okvire.
4. Odbor zaključuje da je potrebno, ukoliko se utvrdi nezakonitost Rješenja o imenovanju, poništi Rješenje o imenovanju.

Add-10 Tekuća pitanja

Po ovoj tački dnevnog reda nije bilo rasprave.

U skladu sa članom 53. Poslovnika Predstavničkog doma Parlamenta Federacije BiH za izvjestitelja je određen Adnan Efendić, predsjednik Odbora.

PREDSJEDNIK ODBORA
Adnan Efendić, s.r.